



საჯარო სამართლის იურიდიული პირი

საქართველოს ევგენი ხარაძის ეროვნული ასტროფიზიკური ობსერვატორის დირექტორის

ბრძანება № 03-04/11

ქ. თბილისი

26 11 2020 წ.

განსაკუთრებულ ღონისძიებათა შესახებ


სსიპ - საქართველოს ევგენი ხარაძის ეროვნული ასტროფიზიკური ობსერვატორიაში (შემდეგში - „ობსერვატორია“, მდებარე: ადიგენის რაიონი, დაბა აბასთუმანი, მთა ყანობილი) ახალი კორონავირუსის (COVID-19) შესაძლო გავრცელების აღკვეთის, თანამშრომელთა ჯანმრთელობის დაცვისა და უსაფრთხო სამუშაო გარემოს შენარჩუნების მიზნით, საქართველოს განათლების, მეცნიერების, კულტურისა და სპორტის მინისტრის 2019 წლის 20 ნოემბრის №227/ნ ბრძანებით დამტკიცებული ობსერვატორის წესდების მე-7 მუხლის მე-2 პუნქტის „ლ“ და „პ“ ქვეპუნქტების, ობსერვატორის თანამშრომელთა მოხსენებითი ბარათის (N10-01/65, 26.11.2020 წ.) საფუძველზე,

ვ ბ რ ძ ა ნ ე ბ:

1. დადგინდეს ობსერვატორიაში თანამშრომელთა სამუშაო ადგილზე გამოცხადებისა და სამუშაოს შესრულების რეჟიმთან დაკავშირებით ობსერვატორის დირექტორის 2019 წლის 26 ნოემბრის N03-04/03 ბრძანებით დამტკიცებული შინაგანაწესისაგან, ასევე, ობსერვატორიაში შესვლისა და გადაადგილების პირობებთან დაკავშირებით ობსერვატორის დირექტორის 2020 წლის 29 მაისის N03-04/03 ბრძანებით დადგენილი პირობებისაგან განსხვავებული რეგულაციები, წინამდებარე ბრძანების დანართის შესაბამისად.
2. წინამდებარე ბრძანების დანართში დადგენილი რეგულაციები წარმოადგენს დროებით ღონისძიებებს.
3. წინამდებარე ბრძანების მოქმედების განმავლობაში ძალაშია „სსიპ - საქართველოს ევგენი ხარაძის ეროვნული ასტროფიზიკური ობსერვატორის ტერიტორიაზე უცხო პირთა შესვლისა და გადაადგილების პირობების დამტკიცების შესახებ“ 2020 წლის 29 მაისის და „შინაგანაწესის დამტკიცების შესახებ“ 2019 წლის 26 ნოემბრის N03-04/03 ობსერვატორის დირექტორის ბრძანებების მოქმედება, წინამდებარე ბრძანებით დადგენილი თავისებურებების გათვალისწინებით.

4. განისაზღვროს ბრძანების აღსრულებაზე პასუხისმგებელ პირად (უფლებამოსილი პირი) ობსერვატორის აბასთუმნის ოფისის კურატორი, ვ. ყულიჯანიშვილი.
5. დაევალოს დირექტორის თანაშემწეს (ე. დოხნაძე) და საქმისწარმოებისა და არქივის სპეციალისტს (თ. მერაბიშვილი) წინამდებარე ბრძანების საჯაროდ გამოცხადება: ობსერვატორის თანამშრომელთა ინფორმირება ელექტრონული ფოსტის გამოყენებით, ობსერვატორის შენობებში თვალსაჩინო ადგილზე გამოქვეყნება და ინფორმაციის ობსერვატორის ვებ-გვერდზე (www.abao.ge). განთავსება.
6. დაევალოს ობსერვატორის დაცვის თანამშრომლებს ობსერვატორიაში შემსვლელ პირთა რეგულარული თერმოსკრინინგი.
7. ბრძანება ძალაშია გამოცემის დღიდან და მოქმედებს 2021 წლის 28 თებერვლის ჩათვლით.
8. ბრძანება შეიძლება გასაჩივრდეს გაცნობიდან ერთი თვის ვადაში თბილისის საქალაქო სასამართლოში (მისამართი: დავით აღმაშენებლის ხეივანი, მე-12 კმ, №6).

დირექტორი



რევაზ ჭანიშვილი

მუხლი 1. ობსერვატორიაში შესვლისა და გადაადგილების პირობები

1. ობსერვატორიაში აკრძალულია:
 - ა) უცხო პირთა (პირები, რომლებიც არ არიან დასაქმებულნი ობსერვატორიაში) შესვლა და გადაადგილება. აღნიშნული შეზღუდვა არ ვრცელდება იმ თანამშრომლების ოჯახის წევრებზე, რომლებიც უკანასკნელი 1 თვეა იმყოფებიან ობსერვატორიის მიერ ამ თანამშრომლისთვის გამოყოფილ საცხოვრებელ ფართზე (სამსახურებრივ ბინაში);
 - ბ) იმ თანამშრომელთა ობსერვატორიაში შესვლა და გადაადგილება, რომლებიც სამსახურებრივ მოვალეობას უმეტესწილად არ ასრულებენ მთა ყანობილზე ან მათი სამუშაო ადგილი არ არის მთა ყანობილი.
2. პირი ობსერვატორიაში დაიშვება მხოლოდ თერმოსკრინინგის გავლის შემდეგ, თუკი მას არ აღენიშნება ტემპერატურა.
3. ობსერვატორიაში მყოფი ყველა პირი ვალდებულია დაემორჩილოს ობსერვატორიის დაცვის სამსახურისა და ადმინისტრაციის კანონიერ მითითებებს.
4. წინამდებარე პირობების დარღვევის ფაქტის გამოვლენის შემთხვევაში, ობსერვატორია უფლებამოსილია დამრღვევი პირის მიმართ გაატაროს საქართველოს კანონმდებლობით დაშვებული ყველა საჭირო ლონისძიება, მათ შორის განახორციელოს სამართალდამცავი ორგანოების ინფორმირება.
5. შეიზღუდოს სამსახურებრივი მივლინებები, გარდა განსაკუთრებული შემთხვევებისა, დირექტორის გადაწყვეტილებით.
6. წინამდებარე წესებისაგან გამონაკლისი დაიშვება ობსერვატორიის დირექტორის ნებართვით, ჯანმრთელობის დაცვის პროტოკოლების, რეკომენდაციების და ჰიგიენის წესების დაცვის შემთხვევაში.

მუხლი 2. სამსახურებრივი მოვალეობების შესრულება

1. სავალდებულოა ობსერვატორიაში პირმა დაიცვას ჯანმრთელობის დაცვის პროტოკოლები, რეკომენდაციები და ჰიგიენის წესები, რომლებიც დადგენილია/რეკომენდებულია საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს მიერ (<https://stopcov.ge>).
2. ობსერვატორიის თანამშრომლებს ეძლევათ რეკომენდაცია იმუშაონ დისტანციურ რეჟიმში. ამასთან, გამოიყენონ თანამედროვე ტექნოლოგიური საშუალებები სამუშაოს შესრულების ანგარიშგებისა და სხვადასხვა შეხვედრებში მონაწილეობის მისაღებად (ასეთის არსებობის შემთხვევაში).
3. დისტანციურ სამუშაო რეჟიმში გადასვლა არ ნიშნავს სამუშაო საათების შემცირებას ან თანამშრომელთა შვებულებაში ყოფნას. საჭიროების შემთხვევაში, დისტანციურ სამუშაო რეჟიმში გადასული თანამშრომელი სამსახურში მოთხოვნისთანავე, დაუყოვნებლივ (არაუგვიანეს 3 საათისა) უნდა გამოცხადდეს. ცნობად იქნეს მიღებული,

რომ ამ რეჟიმში მომუშავე თანამშრომლებს ეძლევათ შრომის ანაზღაურება, დადგენილი წესის შესაბამისად.

4. სამსახურში არ გამოცხადდეს ის თანამშრომელი:

- ა) რომელსაც კონტაქტი ჰქონდა პირთან, რომელსაც დაუდასტურდა ახალი კორონავირუსი ან აღნიშნულის დასადგენად უტარდება ჯანმრთელობის მდგომარეობის კვლევა;
- ბ) აქვს ახალი კორონავირუსისთვის დამახასიათებელი სიმპტომები, რა დროსაც გადაუდებლად უნდა მიმართონ ექიმს.
5. სავალდებულოა თანამშრომელმა მე-3 პუნქტში განსაზღვრულ ორივე შემთხვევებში სამსახურში გამოუცხადებლობის მიზეზი ან რისკურგუფში შემავალ პირთან კონტაქტის შესახებ ინფორმაცია მიაწოდოს უშუალო ხელმძღვანელს და დაუყოვნებლივ გადავიდეს თვითიზოლაციის რეჟიმში;
6. ობსერვატორიაში დაავადების სიმპტომის გამოვლენის შემთხვევაში, დაუყოვნებლივ უნდა მოხდეს დაავადებული პირის იზოლაცია, ამასთან, განხორციელდეს ობსერვატორიის დირექტორის ინფორმირება;
7. უფლებამოსილი დაწესებულების მიერ ობსერვატორიაში ახალი კორონავირუსის აღმოჩენის/გამოვლენის ფაქტის დადასტურების შემთხვევაში ობსერვატორიის დირექტორის გადაწყვეტილებით გამოცხადდება კარანტინი და განხორციელდება დაავადებულთან უშუალო კონტაქტში მყოფი პირების, მათ შორის დაწესებულების თანამშრომელთა იდენტიფიცირება/იზოლაცია ჯანდაცვის სპეციალისტების მიერ გაცემული ინსტრუქციის შესაბამისად.